

## К ОПУБЛИКОВАНИЮ

### КОМИ РЕСПУБЛИКАСА ОЛАНПОДУВ ЁРД

#### КОМИ РЕСПУБЛИКА НИМСЯНЬ

Гражданин Иван Николаевич Старцевлөн норасьом серти «Коми Республикаын олысьяслы социальнӧя отсалом йылысь» 2004 во вӧльгым тӧлысь 12 лунся 55-РЗ №-а Коми Республикаса Оланпаслӧн 2 статьяса 2 юкӧнын коймӧд абзацлысь оланподувлы лӧсялӧмсӧ прӧверитӧм йылысь делӧ серти Коми Республикаса Оланподув Ёрдлӧн шуӧм

Сыктывкар

2021 вося йирым тӧлысь 21 лун

Коми Республикаса Оланподув Ёрд, кӧни веськӧдлысьнас вӧлі В.В. Кретов, ёрдысьяснас вӧліны Д.Н. Басманов, Н.В. Боковинова, А.В. Проскуров,

кӧни участвуйтисны Коми Республикаса Каналан Сӧветӧс петкӧдлысь Л.И. Черняева – Коми Республикаса Каналан Сӧветлӧн Аппаратысь Инӧда веськӧдланінса начальникӧс вежысь, Коми Республикаса Юралысьӧс петкӧдлысьяс И.Н. Кипрушева – Коми Республикаса Юралысьлӧн Администрацияса Канму-инӧда веськӧдланінын оланподув оланпастэчас юкӧнса начальник, Е.В. Белковская – Коми Республикаса Юралысьлӧн Администрацияса Канму-инӧда веськӧдланінын социальнӧй оланпастэчас юкӧнса консультант-эксперт, Б.Н. Третьякова – Коми Республикаса удж, уджӧн могмӧдан да социальнӧя дорьян министерстволӧн социальнӧй гарантияс юкӧнса начальник, Шмидт Е.Ю. – Коми Республикаса удж, уджӧн могмӧдан да социальнӧя дорьян министерстволӧн олысьясӧс социальнӧя дорьян юкӧнын оланпастэчаслӧн анализ да сӧвмӧдан юкӧнса консультант, М.С. Прокофьева – Коми Республикаса сьӧм овмӧс министерстволӧн юридическӧй юкӧнса нуӧдысь юрисконсульт,

Коми Республикаса Оланподувлөн 96 статьяса 3 юкөнө, «Коми Республикаса Оланподув Ёрд йылысь» Коми Республикаса Оланпасын 3 статьялөн 1 юкөнса 2 пунктö, 90, 91, 92 да 93 статьясö кутчысьöмөн,

видлаліс ёрдлөн восьса заседание дырйи «Коми Республикаын олысьяслы социальнöя отсалöм йылысь» 2004 во вöльгым тöлысь 12 лунся 55-РЗ №-а Коми Республикаса Оланпаслөн 2 статьяса 2 юкөннын коймöд абзацлысь оланподувлы лöсялöмсö прöверитöм йылысь делö.

Тайö делö видлалан помкаён лоис И.Н. Старцевлөн вензяна нормативнöй инöда актөн Коми Республикаса Оланподувлөн 17, 40 статьясөн гарантируйтöм сылысь оланподув инöдьяссö торкөм вылö норасьöм, а видлалан подулөн – юалöмын эрдöдöм гөгөрвотöмлун сы серти, лöсялöны-ö Коми Республикаса Оланподувлы вылынджык вайöдöм Коми Республикаса Оланпаслөн положениеясыс.

Ёрдысь-докладчик А.В. Проскуровлысь сообщениесö, процессын участвуйтысьяслысь гөгөрвоöдöмьяссö кывзöм бöрын, сетöм документьяс да мукöд материал туялöм бöрын Коми Республикаса Оланподув Ёрд

#### п а с ы с:

1. «Коми Республикаын олысьяслы социальнöя отсалöм йылысь» 2004 во вöльгым тöлысь 12 лунся 55-РЗ №-а Коми Республикаса Оланпаслөн 2 статьяса 1 юкөнлөн 1 пункт серти (водзö – Коми Республикаса Оланпас) Коми Республикаын олысьяслы социальнöя отсалан мераяс пиысь öтиөн лоö олан жырйысь да коммунальнöй услугаысысь мынтысьöм вылö рöскöд серти компенсация.

Тайö жö статьяын 2 юкөнлөн коймöд абзацөн урчитöма, мый олан жырьясысь да коммунальнöй услугаысысь мынтысьöм вылö рöскöд серти компенсацияссö сетöны гражданалы сэк, кор налөн абу олан жырьясысь да коммунальнöй услугаысысь мынтысьöм серти уджйöзыс либö кор

гражданаөн кырымалёма да (либё) пөртёма олөмө сійөс мынтөм серти артмөдчөмьяссө.

Индөм Коми Республикаса Оланпаслөн 18 статьяса 2 юкөн серти Коми Республикаса канму велөдан организациясын да Коми Республикаын муниципальнөй велөдан организациясын педагогическөй уджалысьяслы, кодьяс ужалёны да олөны сиктса олан пунктьясын либё кар кодь посёлокьясын, совместительство серти уджалысьяс кындзи, сетёны олан жырйысь (сы лыдын уна патераа керкаөн веськөдлөм серти услугае да уджъяс да уна патераа керкаын өтувья эмбур капиталнөй дзоньталөм вылө взнос), шоныдысь да биысь мынтысьөм вылө рөскөдсө компенсируйтөмөн социальнөй отсалан мераяс.

Индөм социальнөй отсалан мераясыс паськалөны педагогическөй уджалысьяс вылө, кодьяс олөны сиктса олан пунктьясын либё кар кодь посёлокьясын, кодьяс дугдисны велөдны налы пенсия индөм бөрын (пенсиялөн сикас вылө видзөдтөг), кодьяслөн сиктса олан пунктьясын либё кар кодь посёлокьясын меститчысь Коми Республикаса канму велөдан организациясын да Коми Республикаын муниципальнөй велөдан организациясын уджалан стажыс лоө 10 воысь оз этшаджык, да кодьяслөн пенсия индан лун вылө эм социальнөй отсалан индөм мераяс вылө инөд (Коми Республикаса Оланпаслөн 18 статьяса 3 юкөнөн).

Гражданин И.Н. Старцев лоө олан жырйысь да коммунальнөй услугаеысь мынтысьөм вылө рөскөдсө компенсируйтөмөн социальнөй отсалан мераяс босьтысьөн кызди пенсионер – педагогическөй уджалысь, коді олө сиктын, сійө шыөдчис Коми Республикаса Оланподув Ёрдө норасьөмөн, көні корө лыддыны вылынджык вайөдөм Коми Республикаса Оланпаслөн 2 статьяса 2 юкөнүн коймөд абзацлысь положениеяссө Коми Республикаса Оланподувлөн 17, 40 статьясылы лөсаявтөмөн.

Норасьөм подулын И.Н. Старцев индіс, мый тайө нормативнөй инөда актлөн положениеясыс торкөны социальнөй могмөдөм вылө сылысь оланподув инөдьяссө, сы вөсна мый олан жырйысь да коммунальнөй

услугаясысь мынтысьом вылө рөскодсö компенсируйтöмөн социальнöя отсалан мераяс сетöмсö пунктöны сэтшöмторкöд йитöдын, кор эм либö абу олан жырьясысь да коммунальнöй услугаысысь мынтысьом серти уджйöзыс.

Коми Республикаса Оланподув Ёрд «Коми Республикаса Оланподув Ёрд йылысь» Коми Республикаса Оланпаслөн 68 статьяса мöд да коймöд юкөнъяс серти примитö помшуймьяссö сöмын шыöдчöмын индöм видлалантор серти да актлөн сöмын сийö юкөн серти, кутшöмöс шыöдчöмын лыддьöны оланподувлы лöсаявтöмөн; та дырйи Коми Республикаса Оланподув Ёрд примитö делö серти помшуйм видлалан актлысь кызди веськыд вежöртассö, сідзи и официальной да мукöд актөн гөгөрвоодан вежöртассö либö инöдөн вöдитчан артмöм практикаын сылысь вежöртассö доньялöмөн, а сідзжö инöда актъяслөн системаын сылөн ин вылө мыджсьöмөн.

Коми Республикаса Оланподув Ёрд Коми Республикаса тайö жö Оланпаслөн 3 статьяса мöд да коймöд юкөнъяс серти решайтö сöмын инöд серти юалöмьяссö, оланподув судопроизводство дырйи сийö кутчысьö збыль лоöмторьяс урчитöмысь да туялöмысь став случайын, кор тайö пырö мукöд ёрдлөн либö мукöд органлөн компетенцияö.

Татшöм ногөн, тайö делö серти видлаланторйөн лоöны «Коми Республикаын олысьяслы социальнöя отсалöм йылысь» 2004 во вöльгым тöлысь 12 лунся 55-РЗ №-а Коми Республикаса Оланпаслөн 2 статьяса 2 юкөннын коймöд абзацлөн положениеясыс сийö мераын, кор олан жырьясысь да коммунальнöй услугаысысь мынтысьом вылө рөскодсö гражданылы компенсируйтöны сэк, кор налөн абу олан жырьясысь да коммунальнöй услугаысысь мынтысьом серти уджйöзыс либö кор гражданаөн кырымалöма да (либö) пöртöма олöмö сийöс мынтöм серти артмöдчöмьяссö, а буретш индöм нормаяслөн положениеяслысь Коми Республикаса Оланподувлы лöсаялöмсö прöверитöм, кутшöм гарантиуйтö гражданылысь инöдьяс да вöля серти öткодьлунсö налөн оланін, чужöм,

эмбур серти оланног да мукөдтор вылө видзөдтөг (17 статья), арлыд серти, висигөн, вермытөмлун дырйи, вердысьөс воштігөн, челядьөс быдтөм-велөдөм могысь да оланпасөн урчитөм мукөд случайын социальнөя могмөдөм (40 статья).

2. Россия Федерацияса Оланподувлөн 72 статьяса 1 юкөнын «ж» да «к» пунктъяс, Коми Республикаса Оланподувлөн 64 статьяса 1 юкөнын «ж» да «к» пунктъяс серти социальнөя дорйөм, сы лыдын социальнөя могмөдөм, оланін оланпастэчас лооны Россия Федерациялөн да Коми Республикалөн өтувья веськөдлөмын.

Россия Федерациялөн да Россия Федерацияса субъектъяслөн өтувья веськөдланторъяс серти йөзөдоны федеральнөй оланпасъяс да на серти примитан Россия Федерацияса субъектъяслысь оланпасъяс да мукөд нормативнөй инөда акт (Россия Федерацияса Оланподувлөн 76 статьяса 2 юкөн, Коми Республикаса Оланподувлөн 64 статьяса 2 юкөн).

Россия Федерацияса Оланподув, социальнөй канмулөн могъяс серти арлыд серти, висигөн, вермытөмлун дырйи, вердысьөс воштігөн, челядьөс быдтөм-велөдөм могысь да оланпасөн урчитөм мукөд случайын быдөнлы социальнөя могмөдөмсө гарантируйтөмөн да социальнөя дорйөмсө Россия Федерациялөн да сылөн субъектъяслөн өтувья веськөдлөмө пыртөмөн (7, 39, 72 статьяяс), та дырйи оз урчит татшөм дорйөмлысь стөч ногъяссө да йөрышьяссө, кутшөмөс сетөны сійө либө мөд категория гражданалы. Тайө юалөмъяс разрешитөмсө пыртөма оланпас дасьтысьлөн компетенцияө.

«Россия Федерацияса субъектъяслөн оланпас пыртысь (бөрийөм) да олөмө пөртысь канму власьт органъяс котыртан өтувья принципъяс йылысь» 1999 во йирым төлысь 6 лунся 184-ФЗ №-а Федеральнөй оланпаслөн 26.1 статьяса 2 пункт серти Россия Федерацияса субъектъяслөн канму власьт органъясөн өтувья веськөдланторъяс серти олөмө пөртан уджмогъяссө индөны Россия Федерацияса Оланподулөн, федеральнөй оланпасъясөн, уджмогъяс стөчмөдөм-торйөдөм йылысь сөрнитчөмъясөн да

артмөдчөмьясөн, а сідзжө Россия Федерацияса субъектыслөн оланпасьясөн.

Торья категория гражданалы социальнөя отсалан да найос социальнөя мөгмөдан юалөмьяс решитөмыс пырө Россия Федерацияса субъектыслөн канму власьт органьяслөн уджмогьясө, кутшөмьясөс тайө органьяс пөртөны олөмө асьныс Россия Федерацияса субъектлөн сьөмкүд сьөм тшөт весьтө (федеральнөй сьөмкүдйысь субвенцияс кындзи) (вылынджык индөм Федеральнөй оланпаслөн 26.3 статьяса 2 пункт).

Россия Федерацияса оланін кодекслөн 153 статьяса 1 юкөн серти гражданалы да организацияслы быть колө ас кадө да тырвийө мынтысьны олан жырйысь да коммунальнөй услугаысысь.

Такөд өттшөтш Россия Федерацияса оланін кодекслөн 160 статьяса 1 юкөн серти торья категория гражданалы федеральнөй оланпасьясөн, Россия Федерацияса субъектыслөн оланпасьясөн да меставывса асвеськөдлан органьяслөн нормативнөй инөда актьясөн урчитөм пөрадокын да условиеясын вермөны сетны олан жырьясысь да коммунальнөй услугаысысь мынтысьөм вылө рөскод серти компенсацияс лөсялана сьөмкүдьяслөн сьөм тшөт весьтө.

Олан жырьясысь да коммунальнөй услугаысысь мынтысьөм вылө рөскод серти компенсациясө сетөны гражданалы сэк, кор налөн абу олан жырьясысь да коммунальнөй услугаысысь мынтысьөм серти уджйөзыс либө кор гражданаөн кырымалөма да (либө) пөртөма олөмө сийөс мынтөм серти артмөдчөмьясө (Россия Федерацияса оланін кодекслөн 160 статьяса 3 юкөн).

Татшөм ногөн, «Коми Республикаын олысьяслы социальнөя отсалөм йылысь» 2004 во вөльгым төлысь 12 лунся 55-РЗ №-а Коми Республикаса Оланпаслөн 2 статьяса 2 юкөнын коймөд абзацлөн видлалан положениеясыс, кутшөмьяс урчитөны олан жырьясысь да коммунальнөй услугаысысь мынтысьөм вылө рөскод серти гражданалы компенсация сетөмсө сэк, кор налөн абу олан жырьясысь да коммунальнөй услугаысысь

мынтысьом серти уджйöзыс либö кор гражданаөн кырымалöма да (либö) пöртöма олöмö сйöс мынтöм серти артмöдчöмьяссö, подулавсьöны Россия Федерацияса субъектыяслөн оланпас пыртысь (бöрйöм) да олöмö пöртысь канму власьт органьяс котыртан öтувья принципьяс вылö, тырвыйö лöсялöны федеральной оланпастэчаслөн корöмьяслы да найöс оз позь доньявны сйдзи, мый найö мунöны паныд Коми Республикаса Оланподувлөн 17, 40 статьясын тшöктöдьяслы да торкалöны гражданысь оланподув инöдьяссö.

Та дырйи олан жырйысь да коммунальной услугаысь мынтысьом серти уджйöз эмлуныс оз вермы лоны социальной отсалан мераяс сетöмын öткажитöм вылö тырвыйö подулөн.

Сйдз, Россия Федерацияса Вылыс Ёрдлөн Пленум «Коммунальной услугаысь да олан жырйысь мынтысьом серти, кöнi олöны граждана социальной медалан сёрнитчöм серти уна патераа керкаын либö кутшöмьяс лöбны налөн кыын кутан инöдын, вензьöмьяссö ёрдьясөн видлалан öткымын юалöм йылысь» 2017 во лöддза-номья тöлысь 27 лунся 22 №-а Шуöмлөн 47 пунктын индiс татшöмтор.

Вензьöмьяс разигөн, кутшöмьяс йитчöмаöсь олан жырйысь да коммунальной услугаысь мынтысьом серти социальной отсалан мераяс сетöмкöд, колö тöдмавны тайö уджйöз артман помкаяссö, налысь артман периодсö, а сйдзжö кутшöм мераяс примитiс гражданин олан жырйысь да коммунальной услугаысь мынтысьом серти уджйöзсö мынтöм серти да (либö) кырымалöмаöсь-ö тайö уджйöз мынтан пöрадок йылысь артмöдчöмьяс. Сэк, кор эмöсь олан жырйысь да коммунальной услугаысь мынтысьом серти уджйöз артман пыдди пуктана помкаяс (ас кадö абу мынтöма удждон, медалысьлөн (кыын кутысьлөн) да сылөн семьяö кывкутны вермысь пырысьяслөн сьöкыд судзсянлуныс наөн удж воштöмкöд да уджавны пырны позьтöмлункöд йитöдын, кöть найö видлiсны тайöс вöчны; висьöм, медалысь (кыын кутысь) да (либö) сылөн семьяö пырысьяс куйлöны больничаян; семьяö пырысьясын эмöсь

вермытöмъяс, тыр арлыдтöм челядь да мукöдтор), социальнöя отсалан мераяс сетöмын öткажитны оз позь.

Висьталöмтор вылö подуласьöмөн, Коми Республикаса Оланподувлөн 96 статьяса коймöд юкөнö, «Коми Республикаса Оланподув Ёрд йылысь» Коми Республикаса Оланпаслөн 66 статьяса медводдза юкөнö, 68 статьяса медводдза, мöд, коймöд да нельöд юкөнъясö, 69, 91, 93 да 94 статьясö кутчысьöмөн Коми Республикаса Оланподув Ёрд

ш у и с:

1. Лыддыны, мый «Коми Республикаын олысьяслы социальнöя отсалом йылысь» 2004 во вöльгым тöлысь 12 лунся 55-РЗ №-а Коми Республикаса Оланпаслөн 2 статьяса 2 юкөннын коймöд абзацлөн положениеясыс сийö мераын, кор олан жыръясысь да коммунальнöй услугаысысь мынтысьöм вылö рöскодсö гражданагы компенсируйтöны сэк, кор налөн абу олан жыръясысь да коммунальнöй услугаысысь мынтысьöм серти уджйöзыс либö кор гражданаөн кырымалöма да (либö) пöртöма олöмö сийöс мынтöм серти артмöдчöмъяссö, оз мунны паныд Коми Республикаса Оланподувлы.

Индöм положениеяслөн оланподув-инöда вежöртасыс, мый эрдöдöма тайö Шуöмын, лоö ставлы быть олöмö пöртанаөн да сийöс инöдөн вöдитчан практикаын мöд ногөн гөгөрвоöмыс лоны оз вермы.

2. «Коми Республикаса Оланподув Ёрд йылысь» Коми Республикаса Оланпаслөн 73 статья серти тайö Шуöмыс лоö бөръяөн, сийöс оз позь обжалуйтны, сийöс йöзöдöм бöрын дзык пыр вынсялö, уджалö веськыда да сийöс оз эскöдны мукöд органөн да чина йöзөн.

3. «Коми Республикаса Оланподув Ёрд йылысь» Коми Республикаса Оланпаслөн 72 статья серти тайö Шуöмсö дзык пыр колö публикуйтны «Коми Республикаса канму власьт органъяслөн индöд-тшöктöмъяс» журналын да йöзöдны «Öтуввез» юöртан да коммуникация везйын Коми



Республикалӧн официальной сайтын «Коми Республикаса канму власьт органъясӧн примитӧм инӧда актъяс, мукӧд официальной юӧр лыддьӧг» сетевой изданиеын (<http://law.rkomi.ru>).

Коми Республикаса Оланподув Ёрд